BAB KELIMA
BAB KELIMA

PENUTUP

5.1. KESIMPULAN

Secara umum kajian yang memfokuskan tentang pemikiran dan sumbangan Datuk Haji Abdul Kadir Hassan ini mendapati bahawa beliau adalah salah seorang tokoh agama Sarawak yang berperanan secara berkesan dalam perkembangan Islam di negeri Sarawak. Kajian tentang pemikiran beliau mendapati bahawa pemikiran beliau bukanlah merupakan pemikiran baru, kerana kebanyakan isu yang diutarkan beliau telah dikemukakan oleh ulama lain samada di peringkat antarabangsa atau tempatan, tetapi pendekatan beliau dalam menyampaikan pemikiran tersebut adalah sesuai dengan keadaan masyarakat Islam di Sarawak pada zamannya.

Pemikiran beliau amat jelas dalam menentukan keutamaan isu yang perlu diambil perhatian umat Islam. Penulis merumuskan bahawa pemikiran beliau adalah pemikiran yang berasaskan kepada realiti semasa samada dari segi keperluan masyarakat, tahap kefahaman masyarakat dan suasana penghayatan agama di negeri Sarawak. Sebagaimana yang dijelaskan dalam Bab Kedua bahawa perkembangan Islam di negeri Sarawak agak perlahan dan tidak begitu ramai ulama yang muncul di Sarawak sebelum dan semasa beliau. Senario ini menuntut beliau untuk mengutamakan isu-isu yang asas dan bersifat fardhu ain. Ternyata melalui kajian ini terbukti bahawa pendekatan beliau ini dapat memberi pengaruh yang besar dan berkesan kepada masyarakat. Semua responden yang bukan ahli
keluarga beliau dalam kajian ini berpendapat bahawa beliau merupakan tokoh yang banyak menyumbangkan pemikirannya ke dalam masyarakat dan lebih penting daripada itu ia dapat memberi kesedaran, meningkatkan kefahaman dan penghayaan Islam di kalangan masyarakat Islam di Sarawak.

Penulis juga mendapati bahawa pemikiran beliau begitu jelas, mudah difahami dan tersusun serta berstruktur. Bagi melihat keadaan ini dalam bentuk karya atau kitab tulisan beliau memang tidak diperolehi namun daripada skrip ceramah dan soal jawab agama yang dikendalikan oleh beliau jelas beliau dapat menyusun hasil pemikiran dengan rapi. Penulis menjumpai hal ini setelah mengkaji skrip peninggalan beliau yang menyentuh isu yang sama. Namun sayangnya tokoh ini tidak meninggalkan khazanah dalam bentuk karya yang unggul untuk rujukan generasi kemudian.

kaedah mengulangi isu-isu yang berkaitan dan pergi ke tempat yang dipercayai berlakunya amalan yang salah dan khurafat. Usaha beliau ini ternyata dapat mengubah kepercayaan dan amalan masyarakat sehingga perkara-perkara tersebut tidak lagi berleluasa seperti dahulu. Beliau bolehlah dianggap sebagai tokoh terpenting dalam memurnikan akidah umat Islam di Sarawak sehingga dapat membetulkan kepercayaan dan amalan mereka daripada sebarang bentuk syirik dan khurafat.

Dalam bidang pelaksanaan syariah, kajian ini memfokuskan kepada isu penghayatan Islam yang menyeluruh dan pengurusan zakat. Walaupun tiada pemikiran baru yang dihasilkan oleh beliau tetapi beliau dapat mendidik umat Islam supaya beribadah secara menyeluruh dan betul. Beliau banyak membicarakan hal-hal fardhu ain seperti puasa, zakat dan haji. Fokus terhadap fardhu ain ini perlu dilakukan oleh beliau sesuai dengan suasana masyarakat Islam di Sarawak ketika itu. Daripada penghayatan fardhu ain ini timbullah penjurusan terhadap penghayatan Islam yang menyeluruh.

Dapatan kajian yang sangat penting mengenai pelaksanaan syariah ini ialah berhubung dengan pungutan dan pengagihan zakat. Melalui pemikiran tokoh ini yang ditulis dalam kertas kerja yang bertajuk “Zakat Fitrah Dan Kegunaannya” dalam Kogres Islam Malaysia Timur pada tahun 1968, dapat dirumuskan bahawa beliau mempunyai pemikiran yang bersifat ke hadapan dan berwawasan. Walaupun sekadar sebuah kertas kerja, namun dinisbahkan dengan perkembangan Islam dan pelaksanaan pengurusan zakat ketika itu, implikasinya begitu terserlah sehingga kesinambungan pemikiran beliau ini telah diimplimentasikan oleh
Tabung Baitulmal Sarawak dengan beberapa pembaharuan dan peningkatan. Umat Islam di Sarawak boleh berbangga dengan kemajuan Tabung Baitulmal Sarawak yang begitu menyerlah dewasa ini. Walaupun kemajuan ini bukan merupakan usaha tokoh yang dikaji secara persendirian namun dari perspektif pemikiran, beliau telah menyumbangkan khazanah yang begitu berharga dalam pembangunan pengurusan zakat negeri Sarawak.

Pemikiran Datuk Haji Abdul Kadir Hassan mengenai akhlak banyak memfokuskan faktor dalam manusia sebagai elemen penting dalam pembangunan akhlak. Menurut beliau, nafsu memainkan peranan yang sangat penting bagi manusia. Sekiranya nafsu itu dapat dikawal dan dibimbing dengan pengajaran agama nescaya ia akan membawa manusia ke arah kebaikan jika sebaliknya maka ia akan membawa manusia ke arah keburukan. Justeru itu bagi beliau manusia perlu dididik dengan pendidikan agama supaya mereka menjadi orang yang berakhlak mulia.

Selain itu beliau menegaskan bahawa berlakunya keburukan adalah disebabkan oleh terhakisnya perasaan malu daripada diri seseorang itu. Justeru itu beliau menyeru umat Islam supaya menghiaskan diri dengan sifat malu supaya mereka dapat mengelakkan diri daripada sebarang bentuk kejahatan. Malu juga menurut beliau boleh menjadi pendorong supaya seseorang itu mencapai kemajuan dan kecemerlangan dunia kerana seseorang itu akan merasa malu apabila dia ketinggalan berbanding orang lain.
Pemikiran beliau mengenai akhlak ini menampilkan idea yang tersusun apabila beliau menyarankan agar umat Islam menjadikan Nabi Muhammad (s.a.w.) sebagai contoh teladan yang terbaik. Beliau tidak meninggalkan khalayaknya tanpa panduan sebab itulah beliau mengenengahkan Rasulullah (s.a.w.) sebagai contoh ikutan yang praktikal.


Dari segi sumbangan beliau pula, penulis mendapati bahawa beliau telah memberi sumbangan yang besar khususnya dalam tiga bidang yang disentuh oleh penulis dalam kajian ini iaitu dalam perkhidmatan awam, dakwah dan politik. Dalam perkhidmatan awam penulis merumuskan bahawa beliaulah merupakan tokoh yang membawa gelombang kesedaran agama di kalangan pegawai-pegawai kerajaan. Kebanyakan pegawai kerajaan ketika itu memang tidak mendapat


Seterusnya, peranan beliau dalam bidang politik juga tidak boleh dipandang ringan. Beliau dapat memberi kesedaran kepada umat Islam betapa pentingnya
perpaduan dan kesatuan umat dan membawa Islam dalam perjuangan umat. Penyertaan beliau dalam politik dengan menyertai pilihanraya juga menunjukkan bahawa beliau serius dalam membawa perubahan dalam masyarakat Islam. Walaupun beliau tidak berjaya dalam pilihanraya, namun beliau telah memberi sumbangan dalam membina semangat keislaman di kalangan pemimpin dan umat Islam. Walaupun pada ketika itu tidak dinyatakan dengan jelas perjuangan mengenai isu agama dalam politik, namun beliau dapat mencetus pemikirannya serta dapat memberi teladan yang baik melalui penghayatan nilai-nilai Islam dalam politik, sekaligus menggambarkan bahawa politik tidak terpisah daripada cara hidup Islam.

perintis yang membawa gelombang kesedaran perjuangan politik yang tidak terpisah daripada perjuangan Islam.

5.2. CADANGAN

Mengakhiri disertasi ini, dikemukakan beberapa cadangan seperti berikut;

1. Ketokohan dan pemikiran Datuk Haji Abdul Kadir Hassan dicadangkan supaya dibukukan untuk tatapan dan rujukan generasi kini dan masa depan.

2. Skrip ceramah dan soal jawab agama beliau perlu diterbitkan dalam bentuk buku dan sebelum penerbitan hendaklah disunting oleh sebuah jawatankuasa dengan mengambil kira setiap aspek agar persembahan dan kandungan penerbitan itu sesuai dengan tuntutan dan cabaran semasa.

3. Para pendakwah khususnya di Sarawak perlu mengkaji pendekatan dakwah yang dipraktikkan oleh Datuk Haji Abdul Kadir Hassan kerana beliau merupakan tokoh pendakwah yang diterima masyarakat dan telah berjaya mengubah pemikiran masyarakat Islam di Sarawak.

4. Dicadangkan supaya lebih banyak kajian dibuat mengenai tokoh ini kerana masih banyak keistimewaan beliau yang belum diterokai.

5. Dicadangkan supaya diadakan seminar khas mengenai pemikiran ulama tempatan Sarawak khususnya mengenai Datuk Haji Abdul Kadir Hassan supaya dapat menghasilkan satu penerokaan mengenai peranan ulama dalam perkembangan Islam di negeri Sarawak.
6. Memandangkan program surau setia yang mendapat bimbingan langsung
daripada tokoh ini mendapat sambutan yang memberangsangkan oleh
pegawai kerajaan dan memberi kesan yang baik dari segi penghayatan
Islam adalah dicadangkan program seumpama ini dihidupkan semula
j dengan mengambil kira keperluan semasa.

7. Pandangan tokoh ini supaya penyelarasan dakwah perlu dilakukan secara
sistematis perlu diambil perhatian secara serius dan untuk itu adalah
dicadangkan supaya Majlis Islam Sarawak melalui sebuah jawatankuasa
perlu menubuhkan sebuah jawatankuasa penyelarasan dakwah negeri
Sarawak.